

Ilulissat Kangerluata, Kangiata, eqqissimatitassanngortinna pillugu Namminersornerullutik Oqartussat nalunaarutaat

Kalaallit Nunaanni pinngortitamik allanngutsaaliuineq pillugu Landstingip inatsisaani nr. 11-mi, 12. november 1980-imeersumi §§ 3 aamma 19 naapertorlugit aalajangersarneqarput:

§ 1. Ilulissat kommuniani kangia, tamassumalu eqqaani nunataq, nunap alianaassusia pissutigalugu sumiiffittut eqqissimatitassanngortinnejarpooq sumiiffiup pinngortitaassutsikkut oqaluttuarisaanerata, kulturikkut oqaluttuarisaanerata alianaassusiatalu illorsorneqarnissaat siunertaralugu. Sumiiffiup allanngoriartunnginnissaat kiisalu sumiiffiup kulturikkut oqaluttuarisaanermi sikukkut piniartarnermi inuussutissarsiorfigineqartarnerata ineriaartornissaanut periarfissaat isumannaarneqarnissaat eqqissimatitsinerup illersussavai.

Imm. 2. Sumiiffik 1994-imi nassuaatit naapertorlugit IUCN-imi immikkoortumut V-imut ilaatinnejarpooq.

Imm. 3. Sumiiffiup eqqissimatitap killeqarfilerneqarnera nunap assitaliussami 1-imi nalunaarsimavoq.

Imm. 4. Nunataq illoqarfriup qanitaaniittooq 1100 m²-iusoq nunap assingani sumiiffinni imatut killilikkap 69°12'23''N aamma 51°07'23''V iluaniittooq sermeq iigartartumut

allanngutsaaliugassanngortinnejartussamut ilaatinnejanganngilaq, Isbræcenter pilersaarutigineqartoq eqqarsaatigalugu.

§ 2. Sumiiffimmi allanngutsaaliukkami ingerlatsinerit iliuuseqartitsinerilluunniit sumiiffiup nunataata immikkut ilisarnaataanik allanngortitsisussat imaluunniit kulturikkut oqaluttuassartaanut, pinngortitaassutsikkut oqaluttuassartaanut kiisalu mernguernartuuneranut naleqartitanik pingaaruteqartitanillu allatut ajornerulersitsisussat inerteqqutaapput, taamaattorli §§ 3, 4, 5, 6, 9, 10, 14 aamma 15 takukkit.

§ 3. Nalunaarummi matumani killiliinerit eqqaassanngikkaanni kikkulluunniit sumiiffimmut allanngutsaaliukkamut appakaassinjaapput.

§ 4. Mernguernartumik siunertalinntut atatillugu ammalu inuussutissarsiutigalugu aalisarnernut, aallaaniarnernut piniariarnernullu atatillugu sumiiffiup allanngutsaaliukkap iluani sumiiffimmi aalajangersimasumi tupertornissaq silaannarmilu ikumatitsinissaq ullaat pingasut tikillugit taamaallaat pisinnaavoq.

Imm. 2. Aallaaniarnermut piniarnermullu atatillugu tupertortarfissat aalajangersimasut Avatangiisnut Pinngortitamullu Pisortaqarfimmut tusarniaareernermeri Ilulissat kommunalbestyrelsianit toqqarneqassapput.

§ 5. Piniarianut illuaqqat aalisarnermi, aallaaniarnermi piniarnermilu taamaallaat isumalluutitut atorneqarsinjaapput. Piniarianut illuaqqat ataavartumik najugaqarfigeqquaanngillat.

Imm. 2. Piniarianut illuaqqat pioreersut atatiinnarneqarsinnaapput aserfallatsaaliorneqartarlutillu.

Piniarianut illuaqqanik nutaanik pioreersut taartissaannik sanaartornissanut llulissat kommunalbestyrelsianut tusarniaareerluni Avatangiisirut Pinngortitamullu Pisortaqrifik akuersissuteqarsinnaavoq.

§ 6. Takornarianut illuaqqat sunngiffimmi angalanernut atatillugu taamaallaat isumalluutitut atorneqarsinnaapput. Takornarianut illuaqqat ataavartumik najugaqarfigeeqqusaanggillat.

Imm. 2. Takornarianut illuaqqat taamaattoqarfissatut toqqakkani sumiiffinni marlunni taamaallaat sanaartorneqarsinnaapput, tak. nunap assinga ilanngussaq 2.

Imm. 3. Sumiiffinni toqqakkani tamani takornarianut illuaqqat arfineq-marluk tikillugit ataatsimik quleriillit sanaartorneqarsinnaapput, tak. imm. 1-imi oqaaseqatigiit aappaat.

Imm. 4. Aqqusineeqqat takornarinut illuaraqarfinniittut ujaraaqqanik sioraaqqanillu qallersorneqarsinnaapput.

Imm. 5. Takornarianut illuaraqarfinnut atasumik helikopterinut akunniffiusartussamik nunaminertamik toqqaasoqarsinnaavoq.

§ 7. Piniarianut takornarianullu illuaqqat sumiiffimmi allanngutsaaliukkami nunaminertani pinngortitamut alianaassusianullu sapinngisamik takussunarsaataasussajunnaarlugit inissinneqassapput.

§ 8. Piniarianut takornarianullu illuaqqat imatut sanaartorneqassapput atortunik, qalipaatnik ilusissanillu toqqaanermi taakku avatangiisirut naleqqulluinnassallutik.

Imm. 2. Piniarianut takornarianullu illuaqqat ilusissaat inissisimaffissaallu llulissat kommunalbestyrelsianut tusarniaareernermini Avatangiisirut Pinngortitamullu Pisortaqrifiup akuersissutigisassavai.

§ 9. Sumiiffiup allanngutsaaliukkap iluani qamutinik motoorilinnik angalanissaq inerteqqutaavoq.

Imm. 2. Kangiani illinerni kommunip toqqagaani inuussutissarsiornermut atatillugu angalanissaq inerteqqutaanngilaq.

§ 10. Sumiiffiup allanngutsaaliukkap iluani imaatigut angallatinik angalanissaq inerteqqutaanngilaq.

Imm. 2. Sumiiffimmi angallatinik nunamut qaqsilluni uninngatitsinissaq inerteqqutaavoq.

Inuussutissarsiornermut atatillugu pisariaqartunik angallatinik nunamut qaqsilluni sumiiffimmi allanngutsaaliukkami uninngatitsinissamut llulissat kommunalbestyrelsianut tusarniaareernermini Avatangiisirut Pinngortitamullu Pisortaqrifik akuersissuteqarsinnaavoq.

§ 11. Akuerisaasumik timmisartuussisarnerni aamma annaassiniarnerni ujaasinernilu sumiiffimmik allanngutsaaliukkamik helikopterimik qulaavaasarnissat inerteqqutaanngillat.

Imm. 2. Sumiiffimmi allanngutsaaliukkami helikopterimik timmisartuussisarnissamut mittarnissamullu llulissat kommunalbestyrelsianut tusarniaareernermini Avatangiisirut Pinngortitamullu Pisortaqrifik ukiumoortumik akuersissuteqartassaaq. Ukiumoortumik akuersissutit Avatangiisirut Pinngortitamullu Pisortaqrifiup, llulissat Kommuniata, takornariartitsisartut helikopteriutileqatigiillu akunnerminni isumaqatigiinniuteqareernerisigut tunniunneqartassapput.

§ 12. Sumiiffiup allanngutsaaliukkap iluani sikkilerneq inerteqqutaavoq.

§ 13. Sumiiffiup allanngutsaaliukkap iluani tatsit, kuuit, kangerluit, sermimik iigartartut nunatalluunniit iliornikkut imaluunniit eqqakkanik, aalisarnermi atortunik, nalunaarsuutinik ilisimatusarnikkullu atortunik qimatsinikkut mingutsinneqarnissaat inerteqqutaavoq.

Imm. 2. Sumiiffiup allanngutsaaliukkap iluani nunap naasui nunatalluunniit innarlerneqarnissaat inerteqqutaavoq.

Imm. 3. Piniarianut illuaqqat, takornarianut illuaraqarfifit helikopterinullu akunnittarfifit

sanaartorneqarneranni nunatat nunallu naasui pissusaattut pilerseqqinnejartassapput.

Imm. 4. Inuussutissarsiutigalugu piniarnermut aalisarnermullu atatillugu ileqqusumik nerisassiornermi ikummatissatut atorneqarnerat eqqaassangikkaanni nunap naasuisa ikummatigineqarnissaat inerteqqutaavoq.

§ 14. Nalunaarummi matumani inatsisiliani luunniit allani maleruagassatut aalajangersakkat qaqgukkulluunniit atuuttut unioqqutinnagit sumiiffimmi allangutsaaliukkami aalisarneq kiisalu piniarneq ingerlanneqarsinnaapput.

§ 15. § 2-mi, §§ 4-6-ini aamma §§ 9-15-ini aalajangersakkanik sanioqqutsinissaq Ilulissat kommunalbestyrelsianik tusarniaareernermini Avatangiisnut Pinngortitamullu Pisortaqarfiup nalunaarutigisinnaavaa.

§ 16. §§ 2-mik, 4-mik, § 5 imm. 1-imik, § 6 imm. 1-imik aamma 4-mik, §§ 7-9-nik, § 10 imm. 2-mik aamma §§ 13-14-inik unioqqutitsinerit akiliisitaassutaasinnaapput.

§ 17. Nalunaarut 1. maj 2003 atuutileroq.

Namminersornerullutik Oqartussat, ulloq 25. marts 2003.

Mikael Petersen

/

Hans J. Høyer

Ilanngussaq 1

Ilanngussaq 2

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat

Naalakkersuisut